

21. November 2015

Sumiiffinni aalajangiiffissatut siunnersuutip tunngavilersuutaani ilanngussamilu nalunaarsorsimasuni qalorsuarsorluni aalisarnerup inerteqqutaalernissaa pillugu periarfissamik – taassumalu aningaasatigut kingunissai pillugit misissuineramik - Naalakkersuisut Inatsisartunut agguaasseqqullugit Inatsisartut aalajangiiffigisassaattut siunnersuut.
(Inatsisartunut ilaasortaq, Nikolaj Jeremiassen, Siumut)

Siumumiillu imaattumik oqaaseqarfigissavarput.

Aalisarnerup nunatta inuusutissarsiutaasa pingaarnersaraat aningaasanillu isaatitsissutit annersaralugu taamaattumillu nalilersortuaannassallugu pingaaruteqarluinnartut Siumumiit isigaarput.

Sumiiffiit ukiorpassuarni aalisarfiusut minnerunngitsumik Raajarniarneq eqqarsaatigalugu ilaatigut peqassutsikkut innarlerneqartarnerat pinngitsoorniarlugu Nikolaj Jeremiassen, Siumut siunnersuuteqarpoq piffinni siunnersuutigineqartumi raajarniarneq eqqarsaatigalugu qalorsuarsornerup inerteqqutaalernissaanik tunngavissaqarnerisq, tamatumalu malitsigisaanik inerteqqutaalersitsinissamut periarfissaqarnerisq, Naalakkersuisut misissueqqullugit aalajangiiffigisassatut siunnersuuteqarluni.

Sumiiffinni ilanngussatut allassimasut naapertorlugit nalunaarsorsimasuni qalorsuarsorluni raajarniarneq inerteqqutaalersinneqassappat aamma aningaasatigut kingunissai eqqarsaatigalugit misissuinerup naammassinerani Naalakkersuisut misissuinermi inerniliussamik inatsisartunut agguaassinissaannik piumasaqaat tamakiisumik taperserparput.

Siunnersuuteqartup saqqummiussamini tunngavilersuutiminilu taamatut raajarniarfiusumik killiliineq qaleraleqassutsimut iluaqutaasumik malitseqarsinnaasq oqariartuutigaa, taamatut pitsaasup tungaanut sunniuteqarsinnaanerani siunnersuuteqartup ilimagisaqarnera misilittakat malillugit oqariartuutaammat Siumumiit paasilluarparput. Taamaattumillu atuisut ilisimasaasa nalilersuinermi ilaatinneqartarnissaannik aaliangersagaqarnitsinnut naapertuutilluinnarmat taperserparput.

Misissuinissamik aalajangiiffissatut siunneruutaasq taperserlugu siunnersuut aalisarnermut piniernermut nunalerinermullu ataatsimiititaliamut innersuupparput.

Jens Immanuelson, Siumut